

Dana Lončarica, dipl. psiholog - Magistarski rad

Fakultet/Akademija	EDUKACIJSKO REHABILITACIJSKI FAKULTET
Tip Rada	Magistarski rad
Kandidat, zvanje	Dana Lončarica, dipl. psiholog
Naziv Teme	Povezanost kvaliteta porodičnih interakcija i uspješnost tretmana ovisnosti o psihoaktivnim supstancama
Rezime/Abstract	<p>U ovom radu predstavljeni su rezultati dobijeni na osnovu istraživanja kojim se je ispivala povezanost kvalitete porodičnih interakcija i recidivizma kod ovisnika o heroinu. Uzorak su činila 74 klijenta, ovisnika o heroinu koji su tokom 2009., 2010. i 2011. god bili na tretmanu u Terapijskoj zajednici „Kampus“. Pri tome, od 74 klijenta tretman su uspješno završila 32 klijenta, dok su 42 klijenata u uzorku napravila recidiv i napustila tretman. Za potrebe ovog istraživanja napravljen je sociodemografski upitnik kojim su prikupljeni podaci o ispitanicima i njihovim porodicama: dob, spol, naobrazba i radni status ispitanika, prekid školovanja, obrazovanje roditelja, imovinske prilike, cjelovitost porodice, uvjete življenja i postojanje rizičnih faktora u porodici (ovisnosti drugih članova porodice o alkoholu ili drogama te suicidi i/ili duševne bolesti). U istraživanju je korištena skala KOBİ (Vulić-Prtorić, 2004). Skala mjeri kvalitete porodičnih interakcija, odnosno interakcije djeteta/adolescenta i roditelja na dvije dimenzije u literaturi najčešće opisane kao prihvatanje (emocionalna toplina, intimnost) i odbacivanje (kontrola, emocionalno zanemarivanje). U cilju dokazivanja istraživačke hipoteze za utvrđivanje razlika u procjeni kvalitete porodičnih interakcija korišten je t-test za nezavisne uzorke. Spomenuta analiza je izvršena na svakoj od subskala KOBİ-a. Rezultati su pokazali da postoji statistički značajna razlika na subskali prihvatanja od strane majke i to na način da korisnici koji su uspješno završili tretman imaju veće prihvatanje od strane majke, nego korisnici koji su recidivirali. Na subskalama prihvatanje i odbacivanje od strane oca i zadovoljstvo porodicom, nije pronađena statistički značajna razlika između korisnika koji su uspješno završili tretman i onih koji su recidivirali. U radu se također nastojalo utvrditi postojanje razlika u sociodemografskim obilježjima između recidivista i onih koji su uspješno završili tretman. Rezultati pokazuju da ne postoje razlike u sociodemografskim obilježjima između klijenata koji su uspješno završili tretman i recidivista čime druga hipoteza nije potvrđena. Dobijeni rezultati mogu poslužiti kao putokaz za unapređenje sadržaja programa terapijske zajednice i uključivanja članova porodice u tretman i u resocijalizaciju ovisnog člana porodice, ali pridonosi i boljem razumijevanju fenomena ovisnosti, koja se i u literaturi i u praksi tretira kao bolest porodice. Ključne riječi: ovisnici, recidivizam, kvaliteta porodičnih odnosa, tretman, resocijalizacija</p>
Datum	18.12.2017
Predsjednik	Dr. sc. Edin Muftić, docent za užu naučnu oblast „Poremećaji u ponašanju“ ,Edukacijsko-rehabilitacijski fakultet Univerziteta u Tuzli
Mentor	Dr. sc. Ranko Kovačević, vanredni profesor za užu naučnu oblast „Poremećaji u ponašanju“, Edukacijsko-rehabilitacijski fakultet Univerziteta u Tuzli
Član komisije	Dr. sc. Meliha Bijedić, vanredni profesor za užu naučnu oblast „Poremećaji u ponašanju“, Edukacijsko-rehabilitacijski fakultet Univerziteta u Tuzli
Član komisije	-
Član komisije	-
Zamjenski član	Dr.sc. Lejla Kuralić-Čišić, docent, uža naučna oblast „Poremećaji u ponašanju“ na Edukacijsko-rehabilitacijskom fakultetu Univerziteta u Tuzli
Dodatni detalji i lokacija	dana 18.12.2017. godine u Sali za sjednice Edukacijsko-rehabilitacijskog fakulteta Univerziteta u Tuzli sa početkom u 11.00 sati
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.